



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
OPĆINSKI NAČELNIK

---

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo“, broj 23/04) i člana 6. Pravilnika o poticaju zapošljavanja djece šehida i poginulih boraca i djece ratnih vojnih invalida iz sredstava Budžeta Općine Centar Sarajevo broj: 09A-41-1373/18 od 20.07.2018, Općinski načelnik upućuje

## **JAVNI POZIV**

**Za finansiranje i sufinansiranje najboljih poslovnih projekata sredstvima Budžeta Općine Centar Sarajevo namijenjenih razvoju preduzetništva i zapošljavanju djece šehida i poginulih boraca i djece ratnih vojnih invalida**

### **O PROGRAMU**

Planirana budžetska sredstva će se koristiti za podsticanje preduzetničke inicijative kroz takmičenje preduzetničkih ideja i održivih poslovnih planova.

Na osnovu javnog poziva odabraće se najbolji biznis planovi mladih i novčano nagraditi.

Novčana nagrada namijenjena je sufinansiranju troškova pokretanja biznisa kroz finansiranje troškova registracije biznisa, troškova sredstava za rad, zakupa poslovnih prostorija, obrtnih sredstava, naknade za doprinose i ostalih troškova. Visina bespovratnih sredstava po biznis planu može iznositi maksimalno do 15.000,00 KM.

### **CILJ JAVNOG POZIVA**

Osnovni cilj javnog poziva je podsticaj preduzetništvu i samozapošljavanju djece šehida i poginulih boraca i djece ratnih vojnih invalida sa područja općine Centar kroz sufinansiranje troškova pokretanja i razvoja vlastitog biznisa.

## **PRAVO SUDJELOVANJA**

Korisnici sredstava mogu biti osobe koje ispunjavaju sljedeće uslove:

- a) Nalaze se na evidenciji nezaposlenih JU Zavod za zapošljavanje Kantona Sarajevo
- b) Imaju prebivalište na području općine Centar, minimalno 3 godine
- c) Pripadaju kategoriji mladih starosti do 35 godina,
- d) Pripadaju kategoriji, kao dijete šehida-poginulog borca ili dijete ratnog vojnog invalida
- e) Po odobravanju poslovne ideje će registrovati i razvijati vlastiti biznis na području općine Centar.

## KOMISIJA

Postupak dodjele bespovratnih sredstava Općine Centar namijenjenih podsticaju zapošljavanja djece šehida i poginulih boraca i djece ratnih vojnih invalida provodi Komisija koju imenuje Općinski načelnik.

### KRITERIJI I MJERILA

**1. Kvalitet biznis plana** (max. 100 bodova)

**2. Kvalitet usmene prezentacije** (max. 100 bodova)

a) način prezentacije..... 20 bodova

- jasna prezentacija i logičan tok prezentacije
- vrijeme prezentacije
- uvjerljivost i profesionalizam
- poznavanje poslovnog sektora
- odgovori na pitanja
- stimulisanje interesa investitora

b) prezentacija plana..... 40 bodova

- jasno definisani proizvodi i usluge
- jasno definisan način djelovanja
- identifikovani rizici
- jasni pokazatelji prodaje, profita i gotovinskog toka
- jasno definisane potrebe za kapitalom

c) održivost biznisa..... 40 bodova

- jasna vizija
- prezentacija poslovnih vještina
- potencijal za investiciju

Pravo na usmenu prezentaciju biznis plana ostvaruje onaj kandidat čiji je kvalitet biznis plana vrednovan sa minimalno 60 bodova.

Bodovi ostvareni na osnovu kvaliteta biznis plana tačka (1) i bodovi ostvareni na osnovu kvaliteta usmene prezentacije (2) se zbrajaju (maksimalni broj bodova iznosi 200).

## PROCES EVALUACIJE BIZNIS PLANOVA

Komisija u prvom koraku razmatra pristigle prijave i vrši izbor najboljih biznis planova, shodno kriterijima, nakon čega poziva na prezentaciju biznis plana najbolje ocijenjene kandidate.

- (1) **Kandidati pred Komisijom predstavljaju svoj biznis plan** kroz power point ili sličan format prezentacije.
- (2) **Nakon svake pojedinačne prezentacije Komisija obavlja intervju sa kandidatom** i sastavlja prijedlog liste biznis planova koji će biti finansirani iz granta Općine Centar u skladu sa odobrenim sredstvima u budžetu.
- (3) Prijedlog liste iz prethodnog stava Komisija dostavlja Općinskom načelniku na odobravanje.

## SADRŽAJ PRIJAVE ZA SUDJELOVANJE U JAVNOM POZIVU

**Prijava mora biti potpuna** i uz nju mora biti dostavljena sva dokumentacija tražena Javnim pozivom.

Prijava sadrži:

- a) Ovjerenu fco lične karte
- b) Uvjerenje o prebivalištu na području općine Centar Sarajevo u kontinuitetu najmanje 3 godine (Uvjerenje o kretanju izdato od strane Ministarstva unutrašnjih poslova KS, Sarajevo Centar)
- c) Rodni list
- d) Potvrdu od JU Zavoda za zapošljavanje Kantona Sarajevo da se nalazi na evidenciji nezaposlenih, ne stariju od 30 dana
- e) Rješenje o priznavanju prava na ličnu/porodičnu invalidninu (za roditelja)
- f) Obrazac biznis plana
- g) Ovjerenu Izjavu da će dodijeljena sredstva iskoristiti za nabavku potrebnih sredstava za rad navedenih u biznis planu, registrovati i održavati vlastiti biznis; da će se nakon registrovanja vlastitog biznisa objavitati sa evidencije nezaposlenih i da se u periodu od najmanje 12 mjeseci neće prijaviti na evidenciju nezaposlenih i da ranije nisu koristili bespovratna sredstva Budžeta Općine Centar namijenjena podsticaju zapošljavanja mladih.

**Biznis plan mora biti dostavljen na aplikacionom obrascu i popunjen elektronski.**

#### **NAČIN PREUZIMANJA POTREBNE DOKUMENTACIJE**

Obrazac Izjave i obrazac biznis plana za prijavu na Javni poziv može se preuzeti na web stranici Općine Centar Sarajevo [www.centar.ba](http://www.centar.ba)

#### **NAČIN PODNOŠENJA PRIJAVE**

Pismene prijave se podnose Službi za boračko invalidsku, socijalnu zaštitu i društvene djelatnosti Općine Centar Sarajevo, Mis Irbina 1, neposredno na protokol Općine Centar Sarajevo u zapečaćenim kovertama na adresu:

Općina Centar Sarajevo, Mis Irbina 1

Sa naznakom:

Ne otvarati – po Javnom pozivu za finansiranje i sufinansiranje najboljih poslovnih projekata-

Javni poziv ostaje otvoren 60 dana od dana objavljivanja.

Neblagovremene i nepotpune prijave, Komisija neće uzeti u razmatranje.

Rezultati vrednovanja biznis planova biće objavljeni na Web stranici Općine Centar Sarajevo, nakon čega će Komisija obaviti intervju sa odabranim kandidatima i donijeti konačnu odluku o izboru.

U postupku ovog javnog poziva Općina Centar ne snosi nikakve troškove sudionicima.

Prispjela dokumentacija se neće vraćati.

#### **VIII OSTALE ODREDBE**

Sa podnosiocima najbolje ocijenjenih biznis planova Općina Centar Sarajevo, koju zastupa Općinski načelnik, zaključuje ugovore u kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, monitoring implementacije prihvaćenog biznis plana i namjenski utrošak sredstava.